

◆總目（總序目、總目次、索引）

錢賓四先生全集

錢賓四先生全集編輯委員會編

ISBN 957-08-1409-8



35000



9 789570 814095

錢賓四先生全集

◆總目（總序目、總目次、索引）

聯經



A89015

錢賓四先生全集 ⑤

總目

錢賓四先生全集編輯委員會 編



錢賓四先生全集

1998年5月初版
有著作權・翻印必究
Printed in Taiwan.

定價：新臺幣精裝全套35000元

著者	錢穆
整理	錢賓四先生全集編委會
執行編輯	鄭秀蓮
發行人	劉國瑞

本書如有缺頁・破損・倒裝請寄回發行所更換。

出版者 聯經出版事業公司
臺北市忠孝東路四段555號
電話：23620308・27627429
發行所：台北縣汐止鎮大同路一段367號
發行電話：26418661
郵政劃撥帳戶第0100559-3號
郵撥電話：26418662
印刷者 永裕印刷廠

行政院新聞局出版事業登記證局版臺業字第0130號

ISBN 957-08-1409-8(一套；精裝)

國立中央圖書館出版品預行編目資料

錢賓四先生全集 / 錢穆著・一初版・

—臺北市：聯經，1998年

面；公分。

ISBN 957-08-1409-8(一套：精裝)

089.86

84006849

錢賓四先生全集編後語

無錫錢穆先生，字賓四，生於前清光緒二十一年乙未，即民國前十七年（西元一八九五），卒於民國七十九年庚午（一九九〇），春秋九十有六。先生自民元為鄉里小學師，而中學，而大學，輟輟天下，敷教於南北者垂八十年。生平著作不輟，其生前梓行傳世者無慮五十餘種。衡諸古今學者，固為罕倫；而其畢生志事，惟在維護發揚我國傳統固有之優良文化，以期矯抑一世蔑古崇外之頹風，所以扶立吾國人之自尊自信，以為民族復興契機之啓迪者，尤可謂深切著明；見推為名世大儒，洵不誣也。

先生之著作，論其時，則先後逾七十年；論其地，則分別刊行於大江南北。

其中或始終一版，或易版再行；版式參差，未歸一律。而先生治學謹嚴，老而彌篤，居常無事，每以修訂舊稿自遣；故其早年著述，亦多屢經改訂。苟值舊版新鐫，即以新訂之文易之。然亦有其書久行，未獲新排，雖有改訂之文，而未及面世者。復有雜誌期刊索稿，修訂舊文而易題予之者。更有坊間書肆未經同意，擅將舊稿重刊，或依原文照印，或截取部分，逕標別題。紛然淆雜，不一而足。至於反覆鉅梓，沿譌承誤，尤需折衷以歸一是。此皆有待於全面蒐輯整理，以求彙為一較理想之編集，庶可以傳世而行遠也。

民國七十九年八月杪，先生遽歸道山，治喪期間，門人有唱議為遺書之編集者。夫人胡美琦女士曰：「先生生前對其著作，嚮所重視，故於舊稿常加修訂，

惟從未有慮及其遺集之全編者。蓋以謂著述既夥，其中不乏針對此一時代之需求，就其一時之學風，而為之補偏救弊而發者。苟時移世易，則茲所論述，未必盡為後人所關注。而其書之傳否，亦當由後人之審擇，決非作者一人生前所可私定。」門人聞之，咸歎先生胸懷之磊落與夫治學之大公，而編集之議遂寢。已而傳聞大陸有謀印先生文集之事。實則遠在先生生前，彼岸已屢有其議。此次上海華東師範大學鄭重將事，更有不成不止之概。時臺北聯經出版事業公司推廣文化事業，亦有意彙次先生遺書，以壽諸梓。夫人欲了解對方進行之情況，乃親渡海，求觀所集資料。承見示，或為早年原書，或為原書之影本，皆非善本。蓋先生著作，此四十年來，在大陸未能通行，故即求其成書之麋集，亦非易易也。夫人因謂華東師大諸君子曰：「倘必於今時編印先生遺集，宜不悖兩大原則：一以

先生既於舊稿屢有改訂，若重排新版，自當據後出改訂者為正，不宜悉沿舊版。

一以先生所謂以俟後世之論定者，今非其時；而先生所以挽一世之所為作者，居今視之，其風猶熾未已；是以仍當有其時代之意義與價值。方今去先生之卒未久，若彙編其遺著，自應求為完編，毋加刪削，庶幾後學得窺全豹。就此兩點觀之，先生後半生之遺稿，悉存臺灣；其早年成書，在臺亦多已先後修訂重刊。今臺北聯經出版事業公司既願大力促成其事，考慮各種條件之配合，在臺進行編務均較相宜。」華東師大諸君子聞而頷之，遂慨允中輟其編纂計畫。乃數年搜羅之勞，不稍顧藉，其崇重學術之公心，殊可感佩。然自非種種外緣之催趨，全集之編綴亦不可能於短時期內實現也。

全集之出版既決定交由聯經印行，夫人乃約集若干門人，組成編輯委員會。

其成員為辛意雲、何澤恆、邵世光、張蓓蓓、戴景賢、王仁祥、李訓詳、陳仁華、閻鴻中、蕭公彥等十人。前五人又擔任常務委員，總理編務。其後陸續加入整編工作者，復有先生之二公子錢行先生，以及吳展良、王璦玲、賀廣如、江敏華、洪素年等人。編印期中以進度落後，編委會又特商請錢夫人胡美琦女士參與編整。自民國八十年（一九九一）九月開始分工任事，先集其成書，繼搜討其佚篇，務期鉅細靡遺，詳略罔漏。數載之間，夫人數親赴大陸南北各大圖書館，或影印，或謄抄，先生早期發表之論文，蒐集不少。而在臺北中央圖書館等公私館藏報刊雜誌，亦不憚煩逐頁翻檢求索。其間有因陳篇漫漶，或因原刊文字誤植可疑處，則亦屢託大陸之親朋故舊覆查，兩地郵傳，未嘗間斷。故全集得補入成書以外之許多篇章，夫人盡瘁之力也。

是書之編纂，由編委會同仁多次會議討論商定，將先生歷年著作，類分為甲、乙、丙三編。甲編以有關學術思想者為主，凡二十三種二十五冊；乙編偏重史學，凡十三種十一冊；丙編則多關文化人生及其他雜著，最末為總目，凡二十一種十八冊；總為五十七種五十四冊。先生治學尚兼通，其著作亦旁涉四部，故以近人專科分類繩之，不免枘鑿。今約分為三編，取便編排，不立類目，讀者庶可不為名色所囿，而知先生治學宗旨異於時人一般著述之所在矣。

凡先生既出版之成書，全數收入。其有後來改題，或擴編納入他書，本集概從後定。如王守仁一書，後易名陽明學述要；老子辨一書，後歸入莊老通辨之類。各書原版參差不一，因統為較一致之版式。原本版式之特有設計用意者，儘量予以保留不變。其書屢經版行者，採錄最後改訂之版本；文字經先生修訂而未

經新印者，以修訂文字為據。論文集錄成書，有同一文而重複收編者，除有特殊考慮者外，原則上擇一保留；其有先生生前即已決定歸屬者，則恭承遺命添入。若乃先生身後所搜得之佚篇，則以類相從，歸入相關著作中。如甲編中國學術思想史論叢，原收文一一九篇，今增入亦逾百篇，總為二三一篇；又如丙編文化與教育，原凡二十篇，今則增編為四十二篇之類；篇幅並頗有擴充。至於未便納入成書之文稿，則另成新書，乙編中有讀史隨劄一種；丙編則有經學大要講稿之屬，彙編為講堂遺錄一種，其他遺文復編為素書樓餘瀋一種，共二種。各書皆分案處理，委專人確定文稿，主要為校改誤字，並覈正引文，以求精確。原版有未經斷句者，如史記地名考；或但有舊式句讀者，如莊子纂箋，並皆重新點校。凡無私名號、書名號者，悉予增入；而段落版式，亦皆重加董理，務求眉目清楚，

以便閱讀。其詳分具各書之出版說明。丙編之末臚列全集各冊篇目，俾見全集之梗概。又附篇目及章節索引，計有筆畫、四角號碼、注音符號、漢語拼音等數種。海內外讀者研讀先生著述，手此一編，堪稱完備；而省覽檢索，亦極得其便。

至於坊間刊行題名先生之著作，亦有黃帝與中國通史參考材料兩種未予收入。黃帝一書，為先生抗戰期間在成都賴家園齊魯大學國學研究所，經某出版社催促撰寫；時方別有撰造，遂口述大端，由門人姚漢源筆達之。及先生來港，臺，以情勢有所不宜，再版時乃逕題先生之名刊行。先生遺言，是書將來當還歸姚君。通史材料則原為先生在北大通史課堂編發學生之輔助讀物，先生以原編材料未完，且其後屢有增改，而其要義亦已寫入國史大綱之中，故不主再予重印。

然書肆尋獲流傳海外初編講義，乃以付梓，非先生意也。此外尚有未徵先生同意，竊取先生已發表之論文，雜湊成冊以出書者，凡今全集所未收錄，皆是之類也。此等篇章實已分載各成書之中，非有所闕漏，讀者詳之。

昔昌黎韓氏之言曰：「師者，所以傳道、授業、解惑也。」先生畢生都授，垂八十年，所傳者斯道，而所以授業解惑之詳以明斯道者，則具見於其著述。雖然，先生自有諸己而充實之光輝，亦豈有待於外而後粲然耶？然先生既逝，後之欲明斯道以解其惑者，舍先生傳世之著述，將焉取之？其辨章學術，窮幽探賾，廣前賢所未發者，固可無論矣；即所謂為時而作之類，亦無弗精思妙契，講明斯道以解一世之惑者。則後之覽者，其欲考鏡近世文化學風，以為知人論世之資者，亦當知所依歸矣。是則全集之編纂，又有不可以已者也。

是書得以順利出版，賴臺灣聯合報系故董事長王惕吾先生及聯經出版公司發行人劉國瑞先生鼎力支持。編務之進行，則聯經總編輯林載爵先生、編輯鄭秀蓮小姐襄贊者為尤多。始業以還，凡六閱歲，茲值全集排版垂竟，爰粗陳其緣起暨整編崖略，用告讀者諸君。夫世降俗澆，先生所深慨。天之既喪斯文也，後死者不得與於斯文也；天之未喪斯文也，後世必有作者焉。是書各篇中一言一語，胥寓先生之德與學，異日吾民族憬然欲復興中華文化，學者蓋必將藉是以為津筏。然則其將垂世而行遠，固無疑也；編委會同仁恭承斯役者，貪以為榮，不亦宜乎！

中華民國八十六年十二月錢賓四先生全集編輯委員會謹識

目次

第 1 册	國學概論	1
第 2 册	四書釋義	1
	論語文解	4
第 3 册	論語新解	5
第 4 册	孔子與論語	6
	孔子傳	7
第 5 册	先秦諸子繫年	9
第 6 册	墨子	17
	惠施公孫龍	17
	莊子纂箋	18
第 7 册	莊老通辨	19
第 8 册	兩漢經學今古文平議	20
第 9 册	宋明理學概述	21
第 10 册	宋代理學三書隨劄	23
	陽明學述要	23
第 11 册	朱子新學案第一册	23

第12册	朱子新學案第二册	24
第13册	朱子新學案第三册	25
第14册	朱子新學案第四册	26
第15册	朱子新學案第五册	26
第16册	中國近三百年學術史(一).....	27
第17册	中國近三百年學術史(二).....	30
第18册	中國學術思想史論叢(一).....	32
	中國學術思想史論叢(二).....	32
第19册	中國學術思想史論叢(三).....	34
	中國學術思想史論叢(四).....	35
第20册	中國學術思想史論叢(五).....	35
	中國學術思想史論叢(六).....	36
第21册	中國學術思想史論叢(七).....	37
第22册	中國學術思想史論叢(八).....	38
第23册	中國學術思想史論叢(九).....	39
	中國學術思想史論叢(一〇).....	40
第24册	中國思想史	41
	中國思想通俗講話	43
	學籥	43
第25册	中國學術通義	44